

香山縣志卷十二

宦績

姚孝資

梁益謙

趙懌夫

洪天驥

趙希瓊

宋之望

答失蠻

劄忽進義

王天祥

黃裳

劉仁秀

程慶祖

左祥

曾純卿

張執樂温

黃宏益

唐堅

朱彥達

沙彥和

王英

周頤

蔡惟溥

馮誠

朱顯

楊昂

林士元

黃正色

鄒驗

鄧遷

陳揖

香山縣志

卷十二

宦績目錄

一

周行

馮生虞

孟習孔

張大猷

王好善

蔡善繼

但啟元

王如春

周維持

顧其言

冲敬

劉景濟

彭豫

馮楚南

萬坤

林希哲

楊維甫

顏階

陳鶴齡

皮瑩

鄭萬奎

周振

邱嶸

周嘉懋

黃暘

印光任

魏綰

裴鑲

張令憲

沈蘭

姚啟聖

申良翰

邵廷儀

勞可式

余慶錫

魯遐齡

王之正

張汝霖

暴煜

張甄陶

彭科

孟永棻

彭翥

堯茂德

許乃來

彭昭麟

馬德滋

馮晉恩

金錫 鬯

邱才穎

李魁元

丁觀國

沈蓮

葛高翀

石娥嘯

李殿華

陳元濬

冀元亨

沈大耀

涂瑗

劉省三

金世任

白色先

洪名香

楊金

曾長齡

宋

姚孝資紹興十九年以右從政郎知東莞縣事治才精敏下

香山縣志

卷十一

宦績 宋

二

令闔境築隄護田水利大興民蒙其惠時香山鎮惟設寨官

一員役屬東莞輸役往來不便庫涌士人陳天覺請建寨為

縣孝資如其言

黃通志

請州聞於朝創立縣

輿地紀勝 引新圖經

於是敦

武校尉邕州副將劉必從捐其祖地以為縣治至今賴之

黃通志

祀名宦

祝志

梁益謙荆南人

黃通志

以吏最聞乾道七年來為令

黃通志 端平中誤

自紹興壬申創邑於是十九年矣前此吏茲土者簡陋自恕

至范文林崇建寺觀民益苦之益謙修舉百度氣象一新

申志

首重學校課督士子增學田二頃二十有六畝疏南濠水以

灌陂田捐俸置賑濟倉士民德之

黃通志

淳熙元年代去人思

之為立德政碑

暴志

祀名宦

祝志

劉漢英縣令梁公德政碑廣郡之西南舟行可四日許有嶼

曰香山舊隸于番禺南莞新四邑間紹興壬申始割而邑之前

後長吏低頭亦弗書而已視如傳舍聚教養邑漫不加省
然曰茲雖射僻吾士亦間齒位師之職去黨先王遠視
州民未教為最密魯之即亦難理予不職學比其何足於
意君子先時春秋二膳羅廳事羣應限之程望訓再拜外課
夫命職學期者輪日講釋廳事羣應限之程望訓再拜外課
也命職學期者輪日講釋廳事羣應限之程望訓再拜外課
提養外廩淑以義也學舊有經史君時荒微劣論諸生駢首
教二為廩淑以義也學舊有經史君時荒微劣論諸生駢首
頃養外廩淑以義也學舊有經史君時荒微劣論諸生駢首
之秀民連南瀛半有六君乃學舊有經史君時荒微劣論諸生
庫屏之沙岡引書池未登魏科膺集膺集膺集膺集膺集膺集
峯倉賑濟護歲太山川有木成皆令尹之無桴鼓之音民
置倉賑濟護歲太山川有木成皆令尹之無桴鼓之音民
吏胥之席父慶其易勵石之卑陋有君新每坊有興民
赴之敞鼓樓之巖易勵石之卑陋有君新每坊有興民
始飛棘瞻聽目睽睽君功不器武無賴有君新每坊有興民
不爬疏者剔君抉而睽睽君功不器武無賴有君新每坊有興民
思意者剔君抉而睽睽君功不器武無賴有君新每坊有興民
不爬疏者剔君抉而睽睽君功不器武無賴有君新每坊有興民

香山縣志

卷十一

宦績

三

籍黃梁都

申志秩
官注

趙懌夫端平元年任三年十月卒於官有惠政及人子孫寓

洪天驥字逸仲晉江人少有異質貫通經史百家淳祐七年
登進士寶祐四年校藝南宮得文天祥卷置之上第人服其
明景定三年授宣教郎知香山縣至之日以教養人材為首
務修復大成殿明倫有堂主敬美身寶賢登俊有齋皆捐俸
為之斂不及民其為政一裁於義俗譁健戢其尤桀黠者曰
此囚牙訟師去則吾民安矣邑以大治經略使洪勳趙汝暨

雷宜中及倉憲交以邑最上終知潮州與兄文毅公天錫文學齊名時謂二洪卒文天祥狀其行實所著有東巖集粵大記

祀名宦祝志以上知縣

趙希瓚淳祐中任以文學知名申志秩官注

宋之望莆田人淳祐中任長於吏事留心學校遷學於城之

西同上主簿以

元

答失蠻至元三十年任為政尚寬惠而不擾元貞三年得代

民懷去思申志秩官注

劄忽進義即札忽進義香山縣達魯花赤黃通志大德八年八月到

任恤民勸農察其貧者給以牛種且減其租刻小學孝經以

教民子弟民愛之申志秩官注以上達魯花赤

香山縣志

卷十一 宦績 元

四

王天祥大名滑州黃縣人官至將仕郎至元二十一年為香

山縣尹黃通志視篆之初以崇儒為先務修葺學校重建講堂

勸農省役百廢畢舉戍卒廝役之違法者嚴懲之翕然稱治

縣宇廢自宋末攜父老訪求故址得諸草萊中乃捐資修復

至今沿之在任七年輿情愛戴如一日云申志祀名宦祝志

黃裳元貞二年任大德四年三月得代賦性慈柔臨下以簡

教民以孝弟忠信賦稅不擾而辦尤善吟咏申志秩官注

劉仁秀大德四年任卓有風采撫民如子動循禮法重修縣

治輪奐一新

程慶祖至大二二年任香山尹正直廉能他邑難平之訟司府

每咨判折又重建鼓樓四年卒於官士民思之祀名宦俱同上

左祥盱江人初任翰林從事受知於學士吳澄泰定乙丑授

承直郎來為縣尹留心政教志申嘗作勸學篇以訓士刻諭俗

編以警民志張府尋遷儒學修義齋時與士子講濂洛關閩之

學俾有所依歸吳澄稱其政有三善後改知增城其政如香

山權知萬州卒今香山增城皆祀之志申

左祥勸學篇人生天地間惟學乃有覺則為善人不然乃為惡方其童稚時賦性本淳樸長為物欲昏弱三綱既淪俗不禁止至理日銷鑠卑者不事尊強者必凌弱靈於世沒九法亦乖錯問之何因爾由其不能學人為萬物靈於世當有卓毋為徒讀心飛願自若窮則善夕期博約前經要明時正尚文為鵠魚快飛躍爾投明師充期博約前經要玩味古道要酌聖教萬世欣有託我充期博約前經要以為木鐸坦然垂教萬世欣有託我充期博約前經要瘠才德愧不充未化善我嘉聖賢緒意重然諾每戲謔學則為聖賢千萬加付度無

曾純卿元統二年任崇儒下士慈惠及民後至元三年得代

去之日謳歌載道官申志秩

香山縣志

卷十一

宦績元

五

張執樂温字敬之冀州南宮人以掾為辰溪簿有能聲至正

四年擢香山縣尹廉謹自勵卓有猷為首飭學校次修縣治

求訪民瘼政以不擾為本丙戌秋季童入寇海上奉檄平之

民賴以安凡百叢務犁然悉舉廨宇橋梁一煥前觀而民不

知役滿任去民為立德政碑志申祀名宦祝志

通志作張執非也魏書有元可悉陵元可新城元史有趙黃哥潘賈埵刺渾皆以三字為名此執樂温亦其例耳季童黃未詳孰是

劉復張侯敬之德政碑蓋聞天下之大海宇之廣設官分職

各有攸司獨守令之選每難其人必加遴選非有材優望重

慈寬厚仁通既散風氣日瀆智愚不齊強弱相承實賴守令

寄蓋以仁樸開導善化之仁愛物之本意也蓋守令之賢

否係生民之休戚令所歲舉廉幹以優擢於守令之賢

不益嚴矣若則與茲則者艱夫不以守令之賢

苟理亂存焉故樂於心則一厥之艱夫不以守令之賢

之能懼官至此亦榮矣庭者深矣矧能赴海之民或一不

其所能求直於鄉社之庭者鮮矣矧能赴海之民或一不

乎由是洞瘡而約能蘇下情壅而能達戶口有恒而知吾
產無恒水旱之瘡而約能蘇下情壅而能達戶口有恒而知吾
見守令之難繼膺殊渥循資歷世出家北山仁足宮早發而
承燭奸下廉足初為敦勵以化眾學有校才足廩厥職去官
難以苛政與凡民之便者首歲科柴炭漁訪民務慨然
謂同寮曰吾民輸之勞誠可以矜憫宜具狀以聞諸憲司
上適際當道廉廢必興故黃童白叟莫不舉手加額以蘇
且水旱必禱宿懼然來言令尹温恭悌不舉手加額以蘇
慰其士之耆宿懼然來言令尹温恭悌不舉手加額以蘇
勸且山所未嘗有也蓋為我記之温恭悌不舉手加額以蘇
如父以信見黎戴罔常懷於仁誠不負天子朝亦知賢之
典然余自知不張侯心固無待厚澤何之哉感慕是為邑
之秉彛自使能泯之嘉惠於衢日曠既熱為政樂於思其
敬頌其德如倪民力竭矣困懣且疲既熱為政樂於思其
科暴斂莫敢怨咨賢侯止載撫而衣輟亦賦均役橫
饑食如蜜渴飲如飴囊瘵而愈茲載而衣輟亦賦均役橫
違公宇廉廢咸舉于茲召一境甯謐鯨浪靖昔則德今也
見之耕婦廉介孔恕慈一境甯謐鯨浪靖昔則德今也
時早登台輔早振臬司為國元氣昭德惟禱惟
期早登台輔早振臬司為國元氣昭德惟禱惟

香山縣志

卷十一

宦績元

六

黃宏益至順中任元統間得代廉正儉約得治體

申志秩官注

唐堅至正初任二年得代賦性寬厚不形喜怒民甚愛之

同上

主簿以上

明

朱彥達洪武五年任有才幹愛民下士奉公不擾卒於官

申志

秩官注

沙彥和洪武九年任廉明剛勁時庶事草創凡所規度者皆

可垂為定制十一年滿任

王英莆田人監生洪武二十七年任廉幹愛民卒於官

俱同上

周頤萊陽人洪武二十九年以監生知香山縣勤於政理善

於撫字

黃通志

時霖雨害稼民方告災而朝命秋糧兌撥官軍

郡符催逼甚嚴頤即捐俸代貧民輸納

申志

決斷滯獄囹圄為

空招徠逃民田野盡闢秋夏二稅不待督責及瓜而代老幼攀轅留之不得改知藤縣陞工部主事黃通志

蔡惟溥泉州晉江人永樂甲申進士太學題名碑三年知香山縣

性純篤喜怒不形勸勉學校撫集逃民時邑有三虎為患惟溥率民捕之虎患悉除閭里以安任滿邑民保留不果後陞

知欽州為政如香山切切於撫字州治稱平大粵記祀名宦祝志

馮誠浮梁人永樂辛丑進士太學題名碑宣德元年知香山縣威

而不猛寬而有制廉而不劌得牧民之道時海濱沙田日增豪右占據輿訟連年誠為斷之其訟始息申志儒學自元左祥

遷復後雖時有修葺率皆因陋就簡誠倡諸同僚及邑人士

大為修治煥然一新陳連修學記旋以外艱去民尾舟送至庾嶺

而還後擢監察御史累官至湖廣按察使暴志

香山縣志 卷十一 宦績 明 七

朱顯延平人成化十四年由舉人知香山縣性敏捷扶弱抑

強積年健訟十餘輩終其任不敢出黃通志在任寡交接鄉紳

中惟長樂令黃瑜樂會令柳齊至即延款竟日以二公未嘗

干以私可為矜式也廨宇橋梁經其營造者皆可久遠凡所

設施吏民不欺軍士之悍戾寄庄之豪狡者咸不敢犯申志祀

名宦祝志

楊昂字孔容建安人按福建建甯府建安縣少師榮之孫宏治中以蔭

知縣事里胥以其相裔也咸遠迓焉昂曰是欲為陽驕耶斥

而遠之饋送一無所受臨政愷悌以廉能馳譽繼調順德政

聲如一轍後致仕去其子崇以粵僉憲至兩邑爭先快覩曰

此吾舊父母之子也其遺愛如此張府志祀名宦祝志

林士元字世仁閩縣人正德己卯鄉薦福建通志嘉靖七年知縣

事廉靜慈愛每受訟牒怡色訊之盡得其情舊學宮在蓮峯
下已圯土元遷建城中鄉書遂不乏人會上官按部索賄不
得坐以事將辱之士元奮衣起曰股民脂膏以媚人死不為
也即自陳母老乞改教職授潮州府學教授怡然就道郝通志

祀名宦祝志

黃正色字士尚號斗南其先江右人本姓廖因亂遷江陰易
姓黃嘉靖戊子中鄉試明年第進士尹仁和未滿歲丁憂起
復獻徵錄詣銓部座主霍韜時為侍郎心知其廉能欲用為南

海令而廖輕在任乃言於尚書汪鋹曰吾欲正色暫令近縣
可乎香山雖僻而糧逾二萬亦進士所宜可令也鋹從之暴志

初令香山剖斷如流政聲藉藉張府志發奸摘伏出人意表人

自不能欺之邑之壇田多為番禺順新士夫豪民所奪占及

香山縣志

卷十一

宦績明

八

寄庄戶糧至萬餘石遞年逋脫糧役貽累里甲代償民積苦
之正色詢知其弊申撫按司府令寄庄戶各就近倉輸納解

運邑民翕然稱便視事方一月粵大記會廖輕擢判肇慶改調

南海暴志霍氏有違禁者一繩以法獻徵錄勢家尤不少假或以

訴於韜益多之薦為監察御史張府志劾駙馬崔元內侍鮑忠

不法反為所誣謫戍起歷少卿郝通志

霍韜贈黃正色令香山序略曰香山在郡南海中如瓊崖而
差小山之秀峙如垣如屏擁邑治邑南襟帶海洋登高觀焉
嶺外之奇境也登圖籍者為里三十有五然番禺南海新
會順德東莞五邑之民皆託產焉一邑聚五邑之產則多大
姓五邑大姓聚一邑則徵賦督通曉無甯時邑多漲鹵積而
為島可稻可菱可鹽可漁有者利焉大姓交利爭是以焚
故為令難余請於太宰汪公
曰選黃尹宰香山揀困敝也

鄒驗湖廣麻城人嘉靖十五年任端慎不阿為里胥搆害十

九年免輿論惜之申志秩官注

鄧遷字于喬閩人嘉靖丙午以舉人知縣事政教兼舉縣治後有仁山爲豪猾所占捐俸贖之修建書院集士子講學其中邑多鄰縣寄庄前令黃正色固能吏猶移文取徵至是不召自來遷令各推一人爲領袖賦役皆完新會豪民趙恆修奪人田督府檄遷往三竈勘之丈出餘田一十五頃有奇歸預備倉以備賑濟督府獎其賢能移文十郡以爲守令法陞嘉興府判瀕行吏以例得柴薪銀歸之遷益以俸金令里胥市牛酒勸農及周老而貧者深山窮谷莫不感動爲立德政碑於石岐頭撰文者都御史李義壯也

黃通志

鄧遷發香山次劉朝陽韻三年作縣花能簇萬里朝天葉正秋遠水碧空原一色高雲青草共誰遊梧州江上傾春蓋蓮石灘前滯夜舟分手馳驅遙憶汝崇陽鳧未應留

陳揖一字竹澗

黃佐泰泉集

新城人歲貢

暴志

先是邑令鄧遷置營

香山縣志

卷十一

宦績明

九

浮虛式遏寇虐揖繼至方春遇荒卽豫請郡庫贏餘以賑體揖意者皆樂爲勸闔邑以濟首除戎器以戒不虞夏海賊過之營卒建旗鳴鼓賊相顧失色而遁比及秋杪蕃寇大舉鄰邑被侵聚百十艘將攻邑城揖乃運籌堅守雉堞皆置兵鳴桴往來不絕賊眾莫測多少薄暮揖率文學龍納言數人躬自巡督每堞必懸三燈時復出奇發礮曄曄若震電賊皆喙息窺伺旬餘皆引去城賴以存揖之功也揖爲人慈祥愷悌博通羣籍尤深於易

泰泉集

周行字鹿野龍溪舉人隆慶元年任廉而惠以寄庄逋逃請陞邑爲州順德縣爭之不果時夷商麗處澳門蕃舶至盤驗有例金峻拒不納惟禁水陸私販及誘賣子女等弊而已

申志

祀名宦

祝志

馮生虞字德卿大足人萬厯丁丑進士太學題名碑九年來知縣

事有清操遇事明敏庭無留牘獄無冤民巨姦皆聞風匿跡

時奉檄清丈單騎齎具不費民間一錢造魚鱗歸號冊不爽

尺寸國計民生皆利賴之以最擢臺諫有骨鯁風郝通志

孟習孔字魯難武昌縣人少補諸生有重名登萬厯乙未進

士授香山令蕃漢以互市起爭孔單騎諭散調吳縣以績著

歷官至太僕卿湖廣通志

張大猷字武程黃陂人萬厯乙未進士以才調香山會稅璫

李鳳謀駐節縣內郝通志大猷言地近海瘴非稅使所宜居且

蕃情叵測萬一犯及稅使如朝廷威德何璫沮而止未幾奸

人附璫者羅織邑民四十餘人璫命私人逮之大猷不可俄

復有人誘璫採礦璫集亡命千人分踞諸山淫掠橫行大猷

香山縣志

卷十一 宦績 明

十

密白大府立擒首惡置之法張府志居常廉潔自勵以教化為

己任鄉邑分立文社捐俸建育英館為課業所建妙林塏以

興文運其後捷南宮居鼎輔者皆其品藻士也在邑六年以

治行第一徵就道邑民追送數百里呼號挽舟不能行者累

日申志

王好善字性夫廣西藤縣舉人城東北福山下學宮陋而就

圯好善毅然以改遷為己任復蓮花峯下舊址庀材鳩工好

善俸措居多同上

蔡善繼字伯達朱彝尊明詩綜小烏程人萬厯辛丑進士太學

題名碑三十六年知香山縣郝通志常端坐堂皇若不營一事而

上下肅然發摘若神好訟者相戒匿影條上制澳十議未幾

澳弁以法繩蕃頭蕃叫囂叵測善繼單騎馳赴數言解散縛

安親焉王者也易初下易知則某有親我不知民而不知於民
者親焉王者也易初下易知則某有親我不知民而不知於民
氣灑然宇徹于肝脾無不帶肅穆相示而種高朗夷曠之韻
溢于眉宇朝三業賦長胥而靡敢以人傾瀉嘗也日午坐堂
又于賓署考德間者罔歟後者秦鏡而泣先車者咸小
禮于賓署考德間者罔歟後者秦鏡而泣先車者咸小
皇胥引去兩造而次第不意我侯握秦鏡而泣先車者咸小
稍相引去兩造而次第不意我侯握秦鏡而泣先車者咸小
人情實爾恐後也漢法為鏡凡此豈息相戒日羨耗悉除而
民自樂輸爾後也漢法為鏡凡此豈息相戒日羨耗悉除而
大一人而還謂各無以漢法為鏡凡此豈息相戒日羨耗悉除而
悅一見所則廉明惠愛也蓋侯之此赤鯀相戒日羨耗悉除而
以務日為邑令則廉明惠愛也蓋侯之此赤鯀相戒日羨耗悉除而
事而無非視其邑則廉明惠愛也蓋侯之此赤鯀相戒日羨耗悉除而
童叟無非視其邑則廉明惠愛也蓋侯之此赤鯀相戒日羨耗悉除而
又何處可矜其體貌主伯亞旅也非議人知亦忘人謂可編之
又叟無非視其邑則廉明惠愛也蓋侯之此赤鯀相戒日羨耗悉除而
李不而言下自成蹊澤上未風而中孚騰然也感受之矣香之未
數月而大治也躋臺之未風而中孚騰然也感受之矣香之未
嘗亦惟是倫一提衡月旦每職則沾塗飾或厚貌令伊優謹
識亦惟是倫一提衡月旦每職則沾塗飾或厚貌令伊優謹
變所動襄宋運如以菜公張忠定兩公皆起縣令陟台鼎
愿之輩間閱宋運如以菜公張忠定兩公皆起縣令陟台鼎
史稱其俠豪績澶淵平定西蜀炳炳殊勳為宋臣罕儷豈若
不稱其俠豪績澶淵平定西蜀炳炳殊勳為宋臣罕儷豈若

香山縣志

卷十一

宦績明

十二

夫卑陬齷塗人耳目者今天下非無事之日也助勤事變
撐轉世運非得人如寇張二公者何以為聖天子宵旰之
則舍我侯其細者安歸乎彼徒以尋常廉明惠愛我侯之
未窺我侯之細者安歸乎彼徒以尋常廉明惠愛我侯之
者也學博諸君墨卿

周維持字爾調金壇人萬厯己未進士泰昌元年任樂易親

民喜造士設仁山書院課諸生有仁山會課稿辛酉邑舉鄉

薦五人一解額一連榜進士皆其首擢士維申志祝志云周

作天啟元年任存參

顧其言字公綸上海人崇禎庚辰進士太學題是年任時御

史柳寅東按郡丰采峻肅下吏憚之其言直陳地方豪猾民

隱艱難立談移日猾吏聞之逃匿吏治既肅乃敷文教士一

經拔識如登龍門焉縣城故庫薄其言捐俸增築甕城城外

建臺自顏曰鬱金曰來青嚴保甲盛守禦備鄰境亦賴以安

奏言終始得幾人幾事考之試焉見焉亦嘗鑿鑿有可指數
否吾父母也蹈大難成大功永大禧勇大德睿湛九淵明出
十日矣愛率鄉黨紳衿耆老登堂載拜咸曰有斐
君子終不可讓盛德至善百世不能忘也是為序

沖敬按張府志洪武元年來為丞當草創之初才幹有為縣

治舊在城內元末徙於蓮峯經兵燹而廢申志敬訪在城故址

經營廡宇縣治既成百務悉辦勸農桑撫流移民皆便焉狂

寇倏至眾情徬徨敬率民捍禦寇乃遁去民賴以安竟以勤

死獻徵錄參參政周楨為文祭之聞者感動明史周楨傳祀名宦

祝志

劉景濟福建人人材洪武十九年來為丞性寬政勤薄以自

奉厚以愛民二十二年憂去申志秩官注

彭豫字與志泰和人舉明經為萬安訓導以言事擢縣丞香

山在海島間地遠俗囂前為縣者悉尚猛豫至即寬其教條

香山縣志

卷十一

宦績明

十四

流亡來歸瀕海諸屯帥暴橫為民害者往往擇民膏腴田誣

以荒廢據占自利郡縣不能制豫曰帥欲病吾民乎豫在不

可得也乃悉追還民申志縣有大猾恒持長吏短長搖撼以騁

豫悉捕置諸法奸宄斂跡海寇常掠民婦女貨貨出入倏忽

不可蹤跡民苦之豫設方略教民掩捕迄豫去寇無入境者

按張府志瀕海歲旱眾禱不應豫自外來曰豈有為文具而可

以格天者乎即自齋沐致禱越二日大雨霑足明年復旱禱

亦如之縣民舍火延及官廨豫叩頭嚮之風返火滅獻徵錄俗

蓄蠱毒中者輒死豫廉得之誅徙其家俗遂革張府志暇即詣

學訓迪諸生遂有登科者時外夷貢方物自香山入京典事

者失封緘朝廷遣御史按問事連豫其子啟和願以身代邑

民皇皇恐豫得重罰會赦獲免民大喜迎以歸坐是不得遷

在邑六年考績卒於京邸民悼惜之申志祀名宦祝志以

馮楚南洪武三年任案牘清理贊政有方申志秩官注

萬坤南昌人嘉靖十一年任賦性剛勁好詰奸慝同上史

林希哲莆田人舉人宣德二年任文行兼優和易雍容人樂

從之隨賢愚皆自取益嘗倡修學廟未成而卒在任四年士

風丕振祀名宦同上

楊維甫長樂人舉人宏治十一年任文學優長勤於教詢鄰

邑士聞風相從在任九年憂去申志秩官注

顏階字德升龍溪人正德十六年以舉人來為教諭莊重醇

雅克副師範首建遷學之議繼毀淫祠以立社學禁師巫以

崇正教嘉靖初與修武宗實錄辭極精確提學副使魏校開

席講學委階督諸生聽講階坐無惰容言必中節校特加禮

香山縣志 卷十一 宦績 明 十五

遇巡按御史涂敬以異材旌焉嘗攝縣事廉幹綽有餘裕在

任七年擢貴州印江知縣申志祀名宦祝志

陳鶴齡惠州舉人崇禎十年任教諭醇雅蘊藉每諸生進謁

略去繁儀講文義竟日無倦色其有不能供膏火給喪葬者

恆捐貲佐之飭士習勤會課以砥礪名節為己任申志以上教諭

皮瑩吉水人儒士正統六年任長於議論尤精於理致時曾

賢盧瑞自負文學一見瑩皆爽然自失卒賴指授以成申志秩官注

注

鄭萬奎長樂人舉人正統八年任嚴毅方正長於文學陞廣

州府教授祀名宦暴志職官注祝志云申暴二志作永樂

亦誤已見表

周振南靖人歲貢宏治三年任學行俱優非公事不輕至邑

遷學宮於蓮峯捐俸構樂育亭於宮前聚徒講解陞感恩教

諭申志秩 祀名宦祝志

邱嶸龍巖人歲貢正德五年任訓導卓有師範到任未久即

捐俸易櫺星門石柱宮墻煥然改觀校士必面訂甲乙凡經

指授者先後悉登高第諸生有不能給膏火者輒厚贈之尋

陞東陽教諭士人挽留不得立去思碑暴志 祀名宦祝志 以上訓導

祝志云正德四年任又易櫺星門石柱據建置門為知縣梁榮事與此異未知其審

周嘉懋浙江人機警有勇略崇禎十四年任香山司巡檢諸

鄉萑苻不靖晝夜無甯晷嘉懋率鄉兵禦之多保障功時邑

令顧其言指授機宜故嘉懋得以自効云申志 以上巡檢

案舊志諸雜屬姓名多湮沒然猶表其尤者元至大間香

山場管勾有史從善賦性廉明課以時辦上不欺公下不

香山縣志 卷十一 宦績 明 十六

損民至今稱之永樂中河泊所官有徐希賢廉靜知文學

扁所居曰梅溪小隱日惟吟咏其間怡然自適成化間倉

大使有湯思和儒雅頗涉獵書史工篆法好吟咏醫學訓

科有陳禮番禺人術業精專雅好吟咏子駿世其職亦以

術鳴宏治初今附書於此毋使其弗聞焉同上

黃暘字曰泰始興縣清化桃村人任前山寨守備嘉靖時勦

寇陣亡次子萬福殮其衣冠葬於老戶頭山遂遷居香山為

張家邊黃姓始祖採訪冊 以上武職

國朝

印光任江南寶山人舉孝廉方正乾隆八年六月夷人英吉

利仇劫呂宋船復擄其人風急飄至獅子洋光任時知東莞

縣上官檄往詰之暴志 光任知其篷碎糧竭將有乞糧之請而

修船必需內地工匠略捉搦之可制其死命乃歸告上官請先遏糴以饑之再匿船匠以難之英酋果不得已命其頭目叩關求見公直曉之曰 天朝柔遠一視同仁惡人爭鬪汝能獻所俘呂宋人聽中國處分則米禁立開當喚造船者替修篷桅送汝歸國英酋無可奈何伏地唯唯袁枚小倉山房文集還所擄二百九十九人上官廉其才題授肇慶府同知尋改澳門同知駐前山寨暴志居無何蕃部法郎西入澳貿易英吉利貪其利先後發六艘詭言來市陰謀篡取光任察其姦駕戰艦督水師營兵出海召英酋厲聲叱之曰若來何爲利人貨物將作賊耶我奉制府令若傷法郎人卽將爾國人之在黃浦者抵償若奪其貨卽將汝貨之在牙行者抵言訖揮健兒千餘披甲張礮環其船而守之英酋禁聲登時六船搖櫓去

香山縣志

卷十一

宦績 國朝

十七

而法郎船早已安渡虎頭門矣光任任海疆久於諸夷種類支派某強某弱某狡某愚其地之山川形勢靡不部居別白於胸中以故先事預謀當機立斷終其任海面肅然小倉山房文集魏綰字帝臣貴州平越州人康熙庚子舉人雍正十年試用廣東知縣歷任增城南海石城新甯俱有惠政忠雅堂文集乾隆十九年任海防同知張府志崇儒重道勸諭十三鄉人建立鳳山社學既成日集諸生課藝其中祝志後卒於官年五十有八

忠雅堂文集

裴鑲字鷺臣乾隆間以布政司經歷署海防同知視民如子值歲饑竭力籌米賑濟民賴更生去之日邑民製袍擁道留

之祝志以上同知

張令憲字胥游無錫人貢生順治八年任申志按秩七年時郡

邑初定粟米芻茭之供倍昔令憲屬父老曰徵輸急矣顧茲殘黎吾不忍迫也蓋完而課罔罹於法民感之壬辰歲饑賊梁子直等率饑民直抵城下蟻緣而入城破令憲罵曰吾與城存亡身死分也顧其子曰死親孝也遂父子遇害贈太僕寺卿祀名宦張府志無子蔭兄子達入監讀書補浮梁令暴志沈蘭字丹穎德清人貢生申志順治十一年由教職遷知香山縣中道被劫行李蕭然里胥密以金餽弗受張府志至之日齋宿告城隍著誓章以見志手書而口誦之申志時兵荒後貧富交困蘭加意撫循嚴汰供應差費禁戢悍兵市易流棍土豪一時斂迹士民始有生意大清一統志每朔望後一日延紳士於堂課文講學申志莅任三年頌聲日起以強項去職邑民思之

郝通志

香山縣志

卷十一

宦績 國朝

十八

姚啟聖字熙止會稽人奉天籍浙江通志

聖祖登極啟聖

以布衣上疏請八旗開科小倉山房文集

康熙二年癸卯啟聖即舉

第一李厚庵集

三年來知縣事性沈毅有文武才阮通志

歲比不登

前令坐負課繫獄者七人公歎曰明年增吾為八矣乃張樂

置酒出七人於獄痛飲之為置裝遣歸而通牒大府曰七令

名下應追金十七萬已於某月日收庫訖大吏疑公巨富代

償帑行善不知公故寒士實未辦作何償也李元度先正事略 國朝

下車日即以輿利除害為己任時南方洊饑盜賊竊發暴志香

山地瀕海盜出沒不常啟聖聞警不介馬而馳士卒奮勇爭

先賊皆挫衄去值再遷西北諸鄉界鄉民挈妻孥號於路督

遷之營弁猶恣掠啟聖挾白刃前曰是皆吾赤子也顛連至

此尚忍然耶弁感之悉還所掠阮通志暇則循行阡陌勸課農

桑雖時值倥偬而能留心學校培植人材都人士絃誦之聲未嘗或輟志暴初澳門賊霍侶成弄兵大吏不能制啟聖以計

擒之復叛又出奇兵縛以歸海始靖而督撫忌其才顧以通

海誣劾將置之死啟聖夜見平南王以危言動之王上疏白

其枉督撫皆自殺而啟聖罷官李厚去官日士民涕泣奔送

踰境阮通會康親王討耿精忠素稔啟聖才具幣招之李厚

啟聖遂招邑人毛天翀勇士鍾寶等往相輔立功臺灣平官

至閩浙總督加少保祀邑名宦祝

申良翰涇陽人康熙十年以舉人知縣事申甫下車即與教

官歐陽羽文倡修文廟復九曲水尹源進記繼修邑志時值兵燹

之後良翰綜核地方大勢作形勝一篇於犄角策應得其要

領今言邑海防者猶師其意焉十五年撫賊陳器瑜糾合海

香山縣志 卷十一 宦績 國朝 十九

寇攻邑城乃與副將將白色先勒兵守禦待援兵之至邑故多

虎患作文牒城隍驅之虎遂去祝

申良翰牒城隍文嘗讀苛政猛於虎之言即撫膺自矢日不

出而司民社則已苟出而司民社苛政焉忍為之今筮仕茲

邑多虎害民畏之猶苛政也司民社者與有責焉良翰德薄

不能如劉桓公使虎負子渡河維神為民社主聲靈赫濯禦

患攘災邑人攸賴是虎子戒致禱於神其默相之靈赫濯禦

投界荒裔毋俾滋害不用虔戒致禱於神其默相之靈赫濯

負使穴無踞茅寮不驚四野以清此諸邦之幸勿我棄

穡事而急公好義實蒙麻庇鑒茲誠悃幸勿我棄

邵廷儀咸甯人順治中舉於鄉授清澗教諭遷靖遠衛教授

王輔臣叛偽檄各官銷印廷儀獨懷印以死自誓事平擢香

山知縣有善政大清一統志

勞可式字訥菴山東陽信人康熙二十七年以舉人知縣事

縣自清丈後未及歸圖虛稅尚為民累可式至清釐稅畝圖

籍井然尤明察善斷豪猾不敢逞有嚇索者立置之法善類

保全三載以政最擢戶部主事

志 暴

余慶錫長垣人康熙己丑進士

太學題名碑

六十一年知縣事慈

惠廉明杜苞苴除陋規聽訟開誠勸諭折兩造以片言惟以

移風易俗爲務有爲賊所污者力白其事於上官獲湔雪焉

雍正二年奉旨增廣學額邑屬大學例得增廣而

志 暴

蠹吏沮格不行邑士何仍檉已籲于上官慶錫復力詳請事

始濟

暴 志 何 檉 傳

旋以催科不中額計缺二千餘金邑人恐失慶

錫相率勸輸越月而賦集尋復被論旣去官饔殮不給士民

餽餉不絕登舟時餞送者數千百人卽鄰邑之鬻蔬果者亦

各以其所有獻云

志 暴

魯遐齡會溪人雍正癸卯進士

太學題名碑

十年知縣事明敏有

幹才理繁劇裕如也邑故好訟遐齡至發奸摘伏斷決如流

香山縣志

卷十一

宦績 國朝

二十

民多畏服邑東竹洲山素爲萑苻藪遐齡偵知情形親履其

地人皆危之乃不旬日弋獲殆盡聲振一時重學校捐俸修

櫺星門建尊經閣葺書院置經史其中延名宿課之凡所拔

識者先後多獲雋焉去之日民遮道不忍舍

張府志

王之正順天通州人舉人

張府志

性廉介伉直有威嘗令他邑

其邑人德其治以紗籠燈壽之之正念不可距受而歸于神

祠其廉介率類此乾隆九年署縣事甫到任澳門夷毆斃漢

人匿兇不獻檄飭之不應之正單騎馳諭執法愈堅諸夷懾

其威且廉也卒獻正兇抵法尤加意造士攬山書院新改建

於藍田坊經制未備之正首議增飾厥後張暴彭各令繼而

愈盛故書院至今皆祀之

祝志

張汝霖宣城人乾隆十一年以拔貢知縣事廉介公愼有經

世才邑民阮阿珠被採膽者誘至湖洲山割其腹氣未絕有告其母者母趨視之詢兇賊姓名阿珠以龍眼都高姓告母聞之官時方大索探生奸徒上官嚴檄責捕高姓汝霖曰安有殺人而肯告以姓耶密訪五日得其主名一訊而伏乃劉而嫁禍於高者人稱神明縣南羅婆陂久爲豪強改築遏水自利爲勘實修復故道藉灌溉者數百頃其他善政不可枚舉擢澳門軍民同知蕃僧以天主教立廟誘眾汝霖密請大吏入告毀其廟私人教者罪如律方毀廟令下夷人愾然不服有兵頭者尤桀驚欲以武抗汝霖捧檄單騎赴諭之夷人感悟其膽識濟變類如此尋鐫級去猶條陳善後十事憲府嘉其議勒諸石民謳思不忘

志暴

暴煜屯留人乾隆六年舉順天鄉試

同上

令保昌暨連山皆有

香山縣志

卷十一

宦績 國朝

二十一

聲十三年調香山廉明公正闔境肅然有弟訟兄者薄懲之復反覆開導皆感泣去

阮通志

俗尚祈禳婦人入廟禮神積習

成風煜示禁諭舊俗爲之一變尤樂育人材於豐山欖山二書院增修講堂齋舍復置田數頃爲修脯膏火之資科歲所補弟子員出書院造就者十八九鄉試同榜獲雋者六人復著學規數款書院條約十則以垂後學

志暴

旋調南海去士民

踰境奔送

阮通志

張甄陶字希周閩縣人總角卽潛心經義有國士之目乾隆元年福建巡撫盧倬以博學鴻詞薦不遇

詞科掌錄

十年成進士

淡墨錄

自編修改知縣

忠雅堂集

十五年來署縣事能以文學飾吏

治權攝不及一期而德政在人者甚夥至今言本邑循吏咸

樂道之

祝志

彭科鎮遠人拔貢生乾隆十六年知縣事善俗宜民尤以育才爲務先是闔邑九書院雖經各前令遞置公產而猶未充裕科分撥沙田歸之以爲永久計又詢知大黃圃未建鄉塾卽親詣其處偕紳士登山擇地卜築於鰲峯之麓顏曰鰲山書院亦撥田一頃有奇歲以所入資學徒費諸人士無不感頌特建遺愛祠於書院左偏以祀之同上

孟永棻睢州人乾隆辛巳進士

太學題名碑

三十九年知縣事加

意民瘼鎮靜廉明時新村劉姓有與庠生張時化爭墳地者理不直陰戕其病父移屍墳所誣時化毆斃獄幾成永棻察傷痕可疑偵訪得實申上官白其冤案乃定其於民毫無枉

縱類如此

祝志

彭翥字竹林雲南蒙化廳人舉人乾隆五十一年由知封川

香山縣志

卷十一

宦績 國朝

二十二

縣調香山捕盜有能名尤善制澳夷夷性桀驁多藐法或以利啗有司翥馭以嚴會澳夷殺人夷目堅匿兇犯翥親臨檄拘夷目謝病不見又欲屈翥會於夷廟翥曰吾天朝命吏也夷廟豈辦公地乃張幕設案於通衢盛儀衛召通事及夷目初皆行夷禮不跪翥震怒且呼杖夷目殼赫通事泥首謝并代夷目哀乞翥杖通事而姑貸夷目遂刻期奉約束以罪人對簿祝志乾隆五十三年海賊號平波大王者率眾爲寇制府福安康調水師擒捕飭翥辦軍需將弁懦不獲盜誣翥供械朽鈍制府怒召翥出諸弁密揭示之翥請給精兵二百躬率往討許之乃戎服出哨諸武弁會勦相遇海島中欲緩行翥不聽行百餘里遇盜船二發礮擊殺十數人賊驚遁去翥知賊必聚眾來乃入島約武弁齊出洋翼日賊船八九從

上游直犯發礮擊之閉翥知賊以穢物壓勝亟取黑犬血釁礮礮果發適大軍亦至擊破賊船俘獲七百餘人制府大悅飛章入奏以功 賜花翎陞瓊州府同知

小倉山房文集

翥工詩

著有海天吟中多出海捕盜時作去後數十年澳夷猶懼其

威澳民咸尸祝之

祝志

堯茂德四川峩峩人拔貢生嘉慶二年權縣事才識明決上官每委訊疑獄輒數語得其情實性尤愛士嘗課諸生以一日成三制藝一試帖細加鶩評列優等者不數年悉登科第又躬率谷都紳士重建東山書院於東堡諸人士尤感戴不置云

許乃來字菊傳浙江仁和人舉人嘉慶四年由海豐縣調知香山香山西接新會南臨巨洋山海交錯爲萑苻藪乃來治

香山縣志

卷十一

宦績 國朝

二十三

之有循聲七年七月大府聞有拜天地會於沙尾嘴者不知其處所而恭常都有村曰沙尾乃檄左翼鎮總兵黃標率舟師千人夷其村又委員督之且令乃來曰沙尾村民作慝爾偕往草薶禽獮不盡根株不得止於是村民洶洶流匪張茂剛等乘機怵之輒欲集兵械以拒捕求生爲名乃來故廉明與黃標雅相重謂標曰沙尾村民何敢然乃來竊疑之公舟至南環俟乃來無遽往南環者澳門之南距沙尾村海道數里標曰善乃來則馳書密諭沙尾村民時日已昃請于委員戒輿人期曰質明具肩輿食而行限二日至沙尾村村距縣治百二十里常以一日至乃來令二日者欲偵訪情實且容齋諭人往復也諭至耆士擁而觀曰許父使來者乎讀其諭曰大府慮匪人爲村毒故欲捕治之無匪何害若有匪除之

福也今愚無知敢拒獄師且至本縣念而等脅於匪人遽罹大咎心甚憫焉卽執惡魁以獻本縣爲而等請命不然盡爲戮矣則皆感泣以計擒惡魁張茂剛等越二日乃來與委員至村民老稚數千百人跪迎于路獻其惡魁纍纍温諭之皆驩呼其聲殷天黃名燦者黃梁都巨匪嘗拜會于洲門乃來前已訪聞大府者也洲門鄰近地曰沙尾嘴濱海曠濶無人跡名燦常與其黨嘯伏其中乃來在道時偵得之報大府曰沙尾嘴非恭常之村實黃梁濱海地也卽密移新會守備曹某又飛咨黃標移所率舟師圍之乃來由沙尾村突往出名燦等不意遂擒六十五人於是沙尾村之事得白改其村名南屏乃來治盜最嚴然不喜株累常曰除盜所以安民多殺何爲初名燦等之橫於黃梁也以睥睨殺人村有富人子必

香山縣志

卷十一

宦績 國朝

二十四

脅與會不從則焚其屋戕其子弟當是時市不安肆晝無行人乃來業知之而未悉其巢穴故不輕發至是圍之并得拜會名籍著錄幾千人曹守備欲盡戮以爲功執千餘人猶摻捕未已黃梁居民皆震婦孺哭失聲有欲溺子而自縊者乃來力爭之立釋數百人繫數百人以歸乃來又力辨其脅從盡釋之請大府焚名籍民心乃安是舉也不出旬日大盜盡平恭常黃梁兩鄉之民如獲更生未幾惠州有陳爛屐之亂經年事乃定博羅縣幾爲墟人由是益頌乃來慎密弭亂之功黃標嘗語人曰菊傳真一縣生佛云八年以迴避調廣西臨桂縣傾城送之贈行詩積數卷旣至廣西尋以在香時獲鄰境洋盜十餘人升直隸州知州邑人請祀名宦

許乃來將之粵西留別紳士耆老詩鳧飛香山己未歲八月七星鎮當中泉流抱城闕其南湧巨觀蓮花插溟渤形勢

何殷軫謀訴劇軫轄下車一操刀欲割愁未達父老前致辭
民生有淑慝良民勤耕讀保之勝膚髮莠民起萑苻去之如
蝮蝎寬猛稱物施勿徒事噴喝斯言誠龜鑑而我慚鳩拙每
思理縣譜深恐玷祖烈所以自勤愆事寒漏徹承乏逾三
載生怕強弩未匪敢憚焦勞患貴周悉保甲洵良法千載
不可擊端藉魁壘賢比閭嚴糾察馴致俗淳入夜戶不閉
引嫌例他往將與父老別時春水生
父老誠意切會當重相見天心憐契濶

彭昭麟字井南四川雙流人由拔貢任南江教諭以軍功陞
廣東陽春縣知縣嘉慶九年調香山昭麟有辦賊才初任香
山海氛漸熾卽令紳民於近城要地建臺柵以爲守禦十二
年夏賊攻圍磨刀礮臺急守弁幾不支報至時已甲夜磨刀
距縣城五六十里昭麟檄守備李海熊領舟師守芙蓉沙防
賊北入之路自與都司余時高引兵由陸路馳救鼓五下賊
不意昭麟猝至懼昭麟發礮擊之碎其船二圍遂解許廷桂
者海上驍將也率舟師數千人皆精銳已而覆歿於芙蓉沙

香山縣志

卷十一

宦績 國朝

二十五

賊益熾乘勢欲逼窺縣城副將某怯甚議閉城堅匿昭麟不
可獨出遇賊及反城已閉久之而後得入初昭麟將出召紳
士慷慨語之曰守土官以死徇分也寇深矣昭麟以一身捍
之何敢辭萬一不濟父母之邦公等幸竭力爲一城保諸衙
吏亦愷切誠勉而後行行則僅督民丁及漁戶而已未嘗得
一兵隨臺卡卽有兵亦疲不受驅策而昭麟無懼色視賊所
在必往擊之賊故畏昭麟能亦少却時十四年秋也冬賊數
百艘避風於新安之赤瀝角昭麟偵其實卽請兵於提督孫
全謀並檄繒船夷船分扼隘口孫全謀軍其西昭麟軍其東
爲一舉滅賊計賊乘風張帆西出孫全謀麾師船避之昭麟
覺率繒船夷船追之不及歸則欵歔語紳士曰虎狼旣縱不
復得矣摩厲以須公等慎無怠明年賊受撫海患紆昭麟前

後籌辦者五六年嘗捕賊自澳門歸遇賊於芙蓉沙南賊以
鈎竹鈎船幾爲所得時新會在籍侍衛陳大英同在舟中射
賊船篷落乃免今邑人談往事猶曰非彭父母不畏艱險則
城外咫尺地卽不保也後以薦陞登州同知援例以知府用
督撫奏留廣東厯署鹽運司運同嘉應州知州著有從征過
嶺嶺南等詩草

馬德滋字蔗泉廣西全州人進士

嘉慶己未題名碑
名德表後改今名

嘉慶十

九年來知縣事有才猷性尤好士凡可以嘉惠士林者若橫
舍書院雖形家言猶冀其萬一驗無不竭心力爲之

詳建
置

有

洪順章職員鄭齡世僕也齡死圖反其主訟齡子職監廷楓
于官不直則乞當路者爲言于巡撫右之委候補府某來質
其事且檄校官以廷楓戒飭德滋不可刻日同委員集訊縣

香山縣志

卷十一

宦績 國朝

二十六

庭紳民聚觀如堵墻廷楓呈其券信委員詞塞事得平反公

憤以伸至今人猶頌不衰

俱同上

馮晉恩雲南霑益州人道光二年署縣事清慎明決坐堂皇
聽斷民環視者皆帖然服時提督吳某巡海有晉船二見之
遁以爲賊擊之礮斃一人餘數十人泅水逃悉獲之械至省
總督檄縣治餘黨晉恩遣役跡之得其情謁總督白冤狀總
督怒謂囚乃提軍親俘令輕信役言並逮役晉恩以去就爭
不允丐南番兩縣代訴亦不允復丐知府言之總督乃下府
及兩縣鞫始知泊澳晉船捕魚有界越界則巡兵取魚甚者
傾網攘奪苛虐之時適越界故見兵船走提軍疑其盜也執
之一府兩縣據實覆一如晉恩言數十人得免駢戮晉恩治
簿書反覆詳審吏有受賂舞文者皆駁斥姦吏悚伏謂前尹

馬德滋好聰察然猶寄耳目於人晉恩乃先覺在已其明睿尤出馬上未幾以憂去士民謳曰金侯馮侯不得久留蓋惜之也金名錫鬯浙之桐鄉人先晉恩爲令有善政亦不久於

任採訪冊

邱才穎字翼廬福建光澤縣人道光戊子舉人挑發廣東十七年到粵署大埔饒平補西甯縣歷署佛山同知新會東莞縣咸豐二年補高明縣四年二月調香山甫五月紅賊起才穎召紳士設公局修守備小欖陷集富戶籌軍費延董事者食於公遇有警自蚤至暮坐局區處董事有晏起者至家趣之鄉民告警者皆親見拊循之武舉某素兇狡眾疑與賊通才穎仍使之從事羈縻而伺察之港口之敗北門人咎董者闕於局張溪人亦咎督戰者闕於鄉幾內變才穎悉爲之

香山縣志

卷十一

宦績 國朝

二十七

解釋上聞之役每戰勝鄉勇爭功才穎皆許以功首勝必厚賞語諸紳曰某生平自奉皆儉嗇惟此事弗敢吝人不獲重賞誰肯盡死力者城破鎚銖皆賊有與其資敵曷若與戰士乎且戰士櫻鋒鏑蹈死亡賞不及曷以勸聞者皆感奮故所向輒克賊以紅哈裏頭民之資生於海者或僞藏紅布示賊爲信否則死故搜獲紅布解官者審非真盜有父老爲請命立釋之士民捐貲聽自出納才穎惟綜其成軍需或匱輒傾所有濟之弗償弗計也五年冬省局徵輸六年冬夷人騷擾皆籌供億策戰守使者晨相望羽書夜催在任七年刻無暇晷惟六年孟春生辰百姓演劇稱祝乃歡讌三日焉咸豐六年總督葉名琛巡撫柏貴上其績奏升府同知直隸州知州賞戴花翎再以捐輸加知府銜十年秋九月去官祖

錢之日士民遮道同治三年卒于粵才穎軀幹修偉豐下聲音瀏亮英酋吧夏禮來見謂游粵見諸地方官儀表無若香山縣尹者宜其福及一邑云

同上知縣以

李魁元湖北竹山人廩貢生乾隆三十五年署邑丞性廉明有叔訟其姪求笞之許餽五十金魁元佯許之徐察其事姪理短而惡其叔之用賄也遂却其金而寬其姪罪第訓誡之而已與太學生吳某善暇輒彼此倡和口不及公事人以爲相得益彰云

祝志

丁觀國宛平人副貢生乾隆五十九年署丞事先是有閩匪屯聚望廈村爲居民害又時擄行人勒贖莫敢誰何觀國廉其實請諸縣捕之匪皆能鬪且眾捕役不敢前觀國手鐵簡先進村民助之執其首惡若干人置之法餘俱逐回閩民賴

香山縣志

卷十一

宦績 國朝

二十八

以安旣去官民尸祝之

同上縣丞以

沈蓮江蘇江陰人嘉慶十三年以議敘任典史有盜砍山松者爲地主所執餽蓮數金乞究治之蓮詢悉其情憫其貧語地主勿治且反其金時海寇勢熾甚嘗逼小隱港蓮督民壯力守礮臺發礮殪其二賊而大環江尾頭諸村復助之賊遂退蓋素行孚人故人皆樂爲用云

祝志

葛高翀字子中安徽懷甯縣人附監生道光三十年任香山典史咸豐四年代理香山縣丞居官清正於地方利弊興除尤力時紅匪擾亂高翀親履諸鄉勸義民捐餉十餘萬人心始固富室某欲免捐夜奉百金爲壽高翀諭以急公赴義却之豪紳某於當道領魚蝦行秤一柄欲藉以抽收合行鼓噪罷市三日時邑令以事赴省高翀懇紳士諭止之爲達上官

繳秤眾始帖然邑中棺木店因關稅久繫木船棺價騰涌貧民有藁葬者高狝爲請於大府得免稅其留心民瘼類如此同治二年邑令陸鍾江病歿高狝權理縣事羈押盜犯有以三百金求乘間釋者高狝拒不納稽察愈嚴錢糧稅羨項內可得千金高狝悉歸陸家屬分毫無所染巡撫郭嵩燾廉其賢大加獎勵三年調署南海五斗口司巡檢旋復香山典史任奉大府保舉卓異七年卒於官士民多流涕其子振麟護柩回里居民焚香跪送不絕於道

採訪冊
以上典史

石娥嘯字鐵霽興甯人康熙四十六年以舉人任教諭聞邑明經蕭立有衛伯玉風首造其廬又謁黃泰泉祠購其文以志景仰爲文奇宕古峭課士之暇集博雅者校讎古籍講明而切究之戊子應粵西聘分校鄉闈所拔皆知名士首議興

香山縣志

卷十一

宦績 國朝

二十九

修蓮峯學宮卒底於成凡有關風化者亟撰文以表彰之在

任十年致仕

暴志
上教諭
以

李殿華字實廷順德人康熙三十六年由廣甯歲薦任訓導貧士之賢而有文者舉爲里塾師且資以試費諸生修脯概謝絕列尹重之流連款洽而華未嘗干以私任六載因病告歸人士懷之

暴志

陳元濬字雄深澄海人乾隆己亥

恩科舉人嘉慶二

年司訓香山品端學博訓迪有方每月課諸生必作程文以示準的在任五年以老告歸諸生攀轅祖餞相屬於道咸依依不舍著有致和堂文稿行世

祝志
上訓導
以

冀元亨山西平陸人拔貢生乾隆五十一年攝香山司巡檢時值歲饑攬都民多菜色元亨屏去輿從偕紳士之好義者

徒步勸輸民賴以濟又嘗延集欖中人士於欖山書院課較詩文優加獎賞攝篆僅數月人咸頌之

沈大耀順天大興人乾隆五十九年任淇澳司巡檢廉而慈時有叔與姪爭水而毆傷其姪者其姪訟之大耀諭之曰此微傷也且以叔毆姪當忍受何必訟其姪感悟而去故事官市肉率半價大耀必依民價給之後卒于任篋空如洗民爭賻贈喪乃得歸

涂瑗江西新城人例貢嘉慶三年任香山司巡檢性仁厚在任數年不擾一民卸篆後貧不能歸挈眷借寓欖都社倉諸紳士重其爲人延主鄉約事後卒於客邸俱同上

劉省三字榕庵湖南祥符縣人由供事議敘未入流陞從九品咸豐四年夏四月任淇澳司巡檢性質直寡嗜慾嫻技勇

香山縣志

卷十一

宦績 國朝

三十

賊起團練自以其技教鄉兵聞寇警輒率士卒赴敵不避艱險邱才穎資之以守城事平獎敘六品頂戴藍翎七年去官九年復任同治三年去旋卒于粵採訪冊以上巡檢

金世任字泰元浙江義烏人本名家子以儒術千有司不用則舍而學兵法申志崇禎十四年申志任前山參將以威信爲

澳夷所懾服申志與縣令顧其言申志協和共事嚴飭士伍毋敢厲民軍士經其節制無不以一當百是時連歲荒稔沿海

諸鄉間相聚爲盜世任曰是豈民得已耶每奉上檄追捕賊渠散脅多所存恤申志

白色先鑲白旗人

暴職官志

康熙十四年任香山協鎮勤於訓練

次年五月朔撫賊陳器瑜糾集海寇鍾吉生輩聚眾數百圍邑城色先偕縣尹申良翰竭力經營諸守具纖悉畢周已而

賊毀東南關廂破張笏澳寨飛礮越城人無固志色先以大義勵兵民爲死守計日則巡邏夜懸松光遍照濠外號令嚴明士卒振奮賊不能破復遣人由間道赴省垣請援十一日師集寇遁去城賴以完

暴志

洪名香南澳人道光二十四年以香山協鎮右營都司護理本鎮副將事冬三合會匪猖獗知縣陸孫鼎聽王炳元汪政言不爲備詳紀事賊肆擾名香飭營屬捕之四城始稍靖賊目劉照輝等寇濠頭張家邊諸鄉鄉人敗之獲賊陳乾生雷勤等沈之海賊使婦女以械鬪斃命誣控竄富家於牘內賴名香親督營兵擒之力白其誣於縣富家乃免遇警報商機密雖大風雪夜亦至鄭廷棣家延諸紳士議事平遷海門營參將再署香山協副將仕至廣東水師提督咸豐四年紅匪之

香山縣志

卷十一

宦績 國朝

三十一

亂紳士赴虎門請援名香發大礮資捍禦焉五年卒於官

採訪

冊

楊金東莞縣人由勇目發水師提標營入伍補步箭兵咸豐元年秋從征西江有功 賞六品頂戴藍翎五月調補

前山營把總十年春從都司馮元亮赴四會縣勦捕閏三月

十九日與賊周春戰於四會之黃岡陣亡事聞

賜卹

廕子想襲雲騎尉祀昭忠祠

曾長齡新安人世襲雲騎尉同治五年署香山協鎮左營守備故事藩庫支餉皆以紋銀既領之後換洋銀給諸兵紋價高換洋銀恆溢其數向爲領餉者所得長齡曰軍興以來藩庫耗竭餉不時給兵饗殮常不繼且從征治裝多攤墊兵艱苦極矣武官雖貧亦不爭此百十數蓋以其盈餘還諸兵告

同官皆感其義從之六年減民間糧米銀價眾因欲減兵米
長齡不可與同官白糧道檄止之七年去官兵士奔走沿途
拜送制繳蓋贈行書三營兵姓名於其上誌弗諼焉

俱同上

武職